

Aktuar Schlenkrich als Koch

Von F. R. in Sch.

Sennt ihr Schlenkriche ne? Unsen Schlenkrich, dar usf'n Gemeendeamte ei Kwale oagstellt is? Nu, dos is a führ akurater Moan. Dos kinnt'r gleeben. Ei sennet Sache dou is alls wie geleckt und was unsr Bargermeester is, dar lägt nischt us'n kommen. Us Schlenkriche ne. Aber de Schlenkrichen, die koan ha ne leiden. Warum? Weil se Schlenkrichen schun a poor moul heemgehullt hoat von'n Amt, wenn a su lange blieb und mit sennet Moulerei ebg ne fiertg wurd. Der Bargermeester soite, wie se vergangn amol koam: "s is anne nutwendge Sache, die a untern Fingern hout." "Ach woas," hot dou de Frau druf gesoit, "nutwendge Sache, nutwendge Sache! Dos kenn mr schun! Dos is keene Moade, n Moan no dozubehalen, wenn dr Seeger gepempert hout. Ich brauch n Karlen drheeme nutwendgr. Morne kimmt nobliger Besuch, dr neue Schwoager aus Drasen mit sennet jungen Frau. Dos sein vurnahme Loite. Dou hoa ich ze tun, und dr Moan muß halfen." "Arschlich kimmi's Amt," meente do dr Bargermeester. "An Quark", schreit dou de Schlenkrichen. "Arschlich kimmt de Frau! Marsch heem, Schlenkrich! Morne mußte 'n Brouten alleene kochen. Ich gih mit'n Besuch ei de Körche."

Dr Bargermeester wußt Eiwendge machen. Mit dr Schlenkrichen is aber ne ze reden.

"Bis och stille, Bargermeester! Ich hull mit'n Moan aus Denner Schreibstube, wenn de Zeit im is, und Dich hullt de Bargermeestern aus dr Schänke, wenn's zwölfe durch is und sich war ne heem findet! Schlenkrich giht ege mit!" —

Orheeme morkste de Schlenkrichen enne Gans ab, und Schlenkrich mußt se ruppen. 's war späte obends, eb alls viergericht' woar und se schlousen gingen.

Dr Besuch aus Drasen koam. De Schlenkrichen kannt'ch nimi aus vur Getue. De Drasener woarn fromme Loite. Desterhalb gingen se garne ei de Körche. De Schlenkrichen ließ'ch dos nehmen, dan grußart'gen Besuch hinzuführen. "Do warn de Loite gucken," meente se. Eb se fortging, noahm se ihren Moan ei's Gebate und soite: "Moan! Schlenkrich! Ich gih ez ei de Körche. Du bleibst drheeme. Ez paß us! Feuer hoa'ch ein'n Küchenusen gemachi. De Gans liegt ei dr Pfanne. Tu se fleißig wenden, doß de enne schiene braune Haut brängst. Tu ou emol küsten, und wenn de Haut gut schmeckt, zoist de's Pfannen us de Seite. Aus 'n Beeteorten hullste Soloaten. Aber wasch'n gut ob, doß dr ne dr Draik und de Schnecken ei dr Schüssel schwimmen! Hurschte? Also mach's gut. Usf's Wiedersahn, Schlenkrich!"

Und fort ging se mit'n Besuch.

Schlenkrich war fruh, wenn a amol alleene drheeme sein konnte. Do wurd a wingsten ne immer vo dr Schlenkrichen kommandiert. Und hoite fullt a sugar kochen. E junges Gansl loag ei dr Pfanne su schiene drinne wie ei an Bettl. Schlenkrich wurd ganz grabb'g über su voll Zutrauen von sennet Frau und noahm'ch vier, alls raicht schiene ze besorgen. Ar leh'tch de Uhr us'n Ufen und soite:

"Also! Alle 5 Minuten wörd se imgedreht!"

's erschte mol gings ne führ gut, weil Schlenkrich siche Sachen ne gewohne wor. Wie a aber's fünste Mol gedreht hatte, gings wunderschiene. Jedsmol sahk a urndlich nouch, ob de Haut ne bale braune würd, und a hatt enne grühe Freude, wies afung ze bruzeln. Damit a's eher sahk, ebs bale braune wurd, hullt a geschwind 'n Ferngucker und guckt ei de Pfanne. Dou sahk ar aber nischt. Dou besann ar sich us's "Bergrießerungsgloas". Ja, dos woar Sache! Sedz brinkl sahk ar dou, und ar hatte de grifte Freude, wenn ar wieder a braunes Fleckel entdecken toate. Als akurater Moan noahm ar a Stickl Papier und schreeb druf: "9 Uhr 5 Minuten: Das erste braune Fleckchen."

Immer miher toat dar Broaten bruzeln, und zelegt kunnts Schlenkrich goar ne mih dernotieren. 9 Uhr 45 Minuten woar de Gans braune. Ez hullt a e Masser und schneid'ch e Stickl Haut runter, im ze kosten. Denn dos machte de Schlenkrichen o jedz-

mol. "Dunnerschtag!", mormelte ar und schnalzt mit dr Junge. "Dos schmeckt ja wunderschiene, do werd de Frau gucken."

Und Schlenkrich kost' und kost' und kost' — und wies 10 Uhr 15 Minuten woar, do hoat ar de ganze braune Haut abgegassen. Arschlich drschroak ar.

"I woas," soit Schlenkrich, "s is arscht 1/4 11 Uhr. No esen kumm'n se erscht aus dr Körche. Do hom'mer no Zeit." Und ar kachelt feste ein'n Ufen, doß ock zu knackeri und bruzelt.

"Siste, mei Gansel", meent Schlenkrich, "doas hoat seingeschmackt. Und ez wird enne neue Haut druf gebroten. Ez weesh'ch ju, wie's gemacht wird. Ock fleißig drehen, emol su und emol su."

Doch ez besann sich Schlenkrich us'n Soloat. Ar sprang ein'n Beeteorten und hullt 'n Soloaten. Dreckl woar ar freilich, weil's aben führ gerahmt hatte. Schnecken woarn o drusse.

"Schad nischt," soite Schlenkrich. "Ich bi a akurater Moan, doas spricht dr Bargermeester immer über mich."

Schlenkrich pflückt'n Soloaten und toaten waschen. Drzwischen nei dreht ar fleißig de Gans und notiert us'n Zettel.

"Meine Frau full ne soin," redt ar mit sich, "doß ich 'n Soloaten ne sauber brenge. Ich war's ihr beweisen."

Und Schlenkrich giht, hult Seese und e brinkel Soda und wäscht jedes Blatl gründlich ei Seesenwasser ab.

Ar koam aber doch e brinkl an Druck. 's woar schun 11 Uhr und no immer wußt keene braune Haut mi warden. Zelekt blieb sugar dr Seeger stihl und wie arn vom Ufen wegnahmen wußte, brüllt ar: "Aucke!" Durch das viele Eikacheln woarn de Platten o uf dr Seite hech geworden, wu de Uhr loag, und doas mocht de Klepper übel genomm'n hoan. Kurz und gut. Schlenkrich kriechte Fitz und zelekt wußt ar ne, wu ar zeerscht hiesahn fullte. Su voll ar o mit'n Bergrießerungsgloas us de Gans sahk, ar kunnt und kunnt nischt braunes wegkriegen. Us emol hiert ar de Schlenkrichen kommen. Ez wurdts dum. Geschwind ruht a 'n Soloaten oa mit Ehg und Ole und Salz, doß de dar wingstens fiertg wäre. De Uhr steckt a geschwind ei de Weste. "Vielleicht giht se wieder," tröstete ar sich.

Wie nu de Schlenkrichen reikoam, kriegte se glei weg, doß keene braune Haut druf woar und do goabs e Dunnerwater, aber ock e sachts, damit doß de erscht dr noble Besuch nischt markte. Schlenkrich wußt arscht ne raus drmitte, wu de braune Haut hie wäre. Aber nou und nou wurd a deekg und soite:

"De arschte ha ich geküst't. Ich wußt anne neue druf brouten. Dou wurd keene mi."

Ez kachte de Schlenkrichen vur Bust. Nu, 's woar aber nischt ze machen. Se mußten aben de Gans ohne Haut assen. Doß Schlenkrich oaber ni amol Alpern drzu gekacht hatte, doas woar der Frau doch ze dum.

Nu, da ez m'r aben den scheenen Salat," sagten die Dresdner. Wie se oaber de arschte Gab'v'l eis Maul stackten, zugen alle mitennander komische Gesichter, und woas dr seine Harr aus Drasen woar, dat toaten sugar ei de Stube spein. "Donnerwetter," schimpfte er, "den bring ich nich runter! Der schmeckt ja nach Seese!"

De Schlenkrichen woar wilde. Se packt' 'n Moan oa und langten e poar hinter de Uhren und brüllte:

"Du aler Dunnterch! Woas hoast'n mit 'n Soloate gemacht? Ha? Kraus damit!"

Zitternd und weinerlich gestand der arme Aktuar:

"Ich wußt's rächt gut machen, ich hoan fleißig mit Seese und Soda gewaschen."

Mit dr feinen Asseei woars nu aus. Die Drasener lachten, und wie de Schlenkrichen vur Bust ei dr Pfanne rimmstucherte, bracht se ou no 's Bergrießerungsglas raus. 's war aber ei der Hige gesprungen. Der Drasener meinte hämsch:

"Das Ding hat das Braten nicht vertragen." Und er lachte wieder, doß'n de Tropfen aus 'n Augen koamen, und meinte:

"Aber nu gehn mer in'n Gasthof und essen was ordentliches. Herr Schlenkrich! Kochen Sie nie mehr. Bleiben Sie bei Ihrem Leisten." Dos hoat dr Schlenkrich ou versprachen.

Warum aber seine Taschenwirt nimi gih wußt, dos hoat ar ne verrouten. Du der Schlenkrichen ne.